



Ráðhús Reykjavíkur
Borgarráð

Efni: Samkomulag um riftun þjónustusamnings

Á fundi skóla- og frístundaráðs þann 25. október 2017 var lagt fram samkomulag skóla- og frístundasviðs Reykjavíkurborgar og Reykjavík International School ses., dags. 12. október 2017, um riftun þjónustusamnings, dags. 20. október 2015 og viðauka skv. honum, dags. 31. mars 2017, auk þess lagt fram minnisblað sviðsstjóra skóla- og frístundasviðs, dags. 15. október 2017; þjónustusamningur skóla- og frístundasviðs og Reykjavík International School ses., dags. 20. október 2015 og viðauki við þjónustusamning, dags. 31. mars 2017.

Samkomulag skóla- og frístundasviðs Reykjavíkur og Reykjavík International School um riftun var samþykkt og vísað til borgarráðs.
Afgreiðslunni er hér með vísað til borgarráðs.

Virðingarfyllt

Helgi Grímsson

sviðsstjóri skóla- og frístundasviðs

Hjálagt:

Minnisblað sviðsstjóra, dags. 15. október 2017
Samkomulag um riftun, dags. 12. október 2017
Samningur, dags. 20. október 2017
Viðauki við samning, dags. 31. mars 2017



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Samkomulag um riftun þjónustusamnings skóla- og frístundasviðs við Reykjavík International School (RIS)

Þjónustusamningur milli skóla- og frístundasviðs Reykjavíkurborgar og RIS um rekstrarstyrk vegna nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík var undirritaður 20. október 2015. Samningurinn gerir ráð fyrir að fjöldi reykvískra nemenda megi vera 17. Með samþykkt borgarráðs þann 22. desember 2016 var heimilað að fjölga reykvískum nemendum sem greitt er framlag vegna um 10 frá upphafi skólaársins 2017 til 2018. Undirritaður var viðauki vegna þessa þann 31. október 2017.

Skóla- og frístundasvið hefur gert samkomulag við RIS um riftun framangreinds þjónustusamnings og viðauka skv. honum. Ástæða samkomulagsins um riftun þjónustusamningsins er sú að ekki hefur verið starfsemi í RIS frá 10. september 2017. Samkomulagið er með fyrirvara um samþykki skóla- og frístundaráðs og borgarráðs.

SAMKOMULAG UM RIFTUN

Skóla- og frístundasvið Reykjavíkurborgar, kt. 530269-7609, hér eftir SFS, og Reykjavík International School ses., kt. 610314-0900, Dyrhömrum 9, Reykjavík, hér eftir RIS, gera með sér eftirfarandi samkomulag:

1. gr.

Með vísan til tilkynningar fyrirvarsmanns RIS, Andreasar Roth, kt. 161068-2099, þann 10. september 2017 um að erfiðleikar í rekstri skólans valdi því að þá þegar verði ekki starfsemi í RIS þrátt fyrir að formleg ákvörðun stjórnar varðandi starfsemi skólans liggja ekki fyrir og tilkynningar framangreinds fyrirvarsmanns, dags. 29. september 2017, um að RIS sé heimilt að gera samkomulag um riftun þjónustusamnings, dags. 20. október 2015 og viðauka skv. honum, dags. 31. mars 2017 eru SFS og RIS sammála um að rifta framangreindum þjónustusamningi aðilanna dags. 20. október 2015 og viðauka skv. honum, dags. 31. mars 2017. Riftun taki gildi frá og með undirritun samkomulags þessa.

2. gr.

Samþykki skóla- og frístundasviðs er með fyrirvara um samþykki skóla- og frístundaráðs og Borgarráðs sem þarf að samþykkja samkomulag þetta. Skóla- og frístundasvið mun upplýsa RIS um afgreiðslu skóla- og frístundaráðs og Borgarráðs um leið og hún liggur fyrir.

3. gr.

RIS ábyrgist að tilkynna foreldrum nemanda sem skráður er í skólann nú þegar um að starfsemi skólans sé hætt og að ekki sé í gildi þjónustusamningur milli Reykjavíkurborgar og RIS um framlag til skólans. Skóla- og frístundasvið mun upplýsa mennta- og menningarmálaráðuneytið um riftun þjónustusamningsins.


4. gr.

Aðilar eru sammála um að hvað varðar framlag til RIS frá SFS sé miðað við að starfsemi skólans hafi verið hætt þann 11. september 2017 og að ekki verði greitt framlag vegna reykviskra nemenda í skólanum frá og með 11. september 2017, á grundvelli samnings aðila, dags. 20. október 2015 og viðauka skv. dags. 31. mars 2017


5. gr.

Skv. upplýsingum frá fyrirtækjaskrá Ríkisskattstjóra er Andreas Roth, kt. 161068-2099, einn skráður í stjórn Reykjavík International School ses en hann ábyrgist að skv. samþykktum sjáfseignarstofnunarinnar og lögum samkvæmt sé honum heimilt að undirrita og samþykkja samkomulag um riftun.

Reykjavík, 12. október 2017



F.h. skóla- og frístundasviðs



F.h. Reykjavík International School

Vottar að rétttri dagsetningu og undirritun

Grífinn Sigtryggsson. 240467-4619

Ásleikur Þórisson. 110662-4249

ÞJÓNUSTUSAMNINGUR

Skóla- og fristundasvið Reykjavíkurborgar, kt. 530269-7609, hér eftir SFS, og Reykjavík International School ses., kt. 610314-0900, Dyrhómrúm 9, Reykjavík, hér eftir skólinn, gera með sér eftirfarandi þjónustusamning um framlag vegna nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík:

1. gr.

Skilyrði

Skólinn skal hafa viðurkenningu mennta- og menningarmálaráðherra.

Starfsemi og starfsaðstaða skólans skal á hverjum tíma vera í samræmi við gildandi lög og reglur um grunnskóla og lög um menntun og ráðningu kennara og skólastjórnenda við leikskóla, grunnskóla og framhaldsskóla.

Réttindi og skyldur nemenda skulu vera í samræmi við gildandi grunnskólalög á hverjum tíma, reglugerðir settar samkvæmt þeim og aðalnámskrá grunnskóla.

Um framlagið samkvæmt samningi þessum gilda reglur Reykjavíkurborgar um styrki. Þess skal getið í kynningarefni skólans að hann njóti framlaga frá Reykjavíkurborg.

2. gr.

Rekstrarframlag

Framlagið nemur 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt árlegum útreikningi Hagstofu Íslands. Gildir þetta hlutfall fyrir skóla með allt að 200 nemendur. Fjölgi nemendum umfram 200 nemur framlagið 70% af vegnu meðaltali fyrir hvern nemanda umfram 200. Greitt er framlag vegna 17 nemenda.

Framangreint framlag Reykjavíkurborgar við skólann, sem er framlag vegna reksturs skólans allt árið, verður greiddur með 9 greiðslum síðasta virka dag hvers mánaðar fyrir líðandi mánuð. Ekki er greitt mánuðina júní, júlí og ágúst. Framlagið miðast við fjölda nemenda í skólanum í yfirstandandi mánuði, sem eiga lögheimili í Reykjavík og nemendur sem eru fósturbörn, ef fósturforeldrar eiga lögheimili í Reykjavík. SFS krefur sveitarfélag sem ráðstafar barni í fóstur um kostnað vegna skólagöngu barns í fóstri hjá fósturforeldrum með lögheimili í Reykjavík.

Um greiðslu kostnaðar vegna stuðnings við nemendur með metnar sérþarfir og nemendur með annað móðurmál en íslensku er vísað til 6. og 7. gr. samningsins.

Skólanum ber að koma réttum upplýsingum um fjölda nemenda til SFS fyrir 5. dag hvers mánaðar til að hægt sé að greiða rétta fjárhæð í lok mánaðarins.

HT

Skólanum er heimilt að taka nemendur í skólann sem ekki eiga lögheimili í Reykjavík en Reykjavíkurborg greiðir hvorki framlag né annan kostnað vegna þeirra.

Skólanum ber að skila til SFS starfsáætlun, þ.m.t. upplýsingum um fjölda nemenda á komandi skólaári, eigi síðar en 1. maí ár hvert. Listi yfir nemendur sem stunda nám í skólanum í ágústlok skal sendur SFS eigi síðar en 1. september. Skólanum er jafnframt skylt að veita sviðinu aðgang að nemendaskrá og upplýsingar um innritaða nemendur þegar þess er óskað.

Skólanum er heimilt að óska eftir breytingu á viðmiði um fjölda nemenda sem greitt er framlag vegna ef sýnt er fram á að fjölgun nemenda verði umfram framangreindan hámarksfjölda nemenda í 1. mgr. 2.gr. samnings þessa. Umsókn skal berast með starfsáætlun eigi síðar en 1. maí ár hvert. Skal ákvörðun Reykjavíkurborgar vegna beiðni um breytingu á viðmiði liggja fyrir eins fljótt og auðið er og eigi síðar en 10. júní.

Rekstrarafgang af starfsemi skólans, sem rekja má til opinberra fjárveitinga, skal nýta til að efla skólafélagið. Í ársskýrslu skólans til Reykjavíkurborgar skal gerð grein fyrir því hvernig framangreindur rekstrarafgangur er metinn og hvernig honum er varið.

3. gr.

Gjaldtaka

Skólanum er heimilt að taka gjald af foreldrum vegna kennslu og skólamáltíða.

4. gr.

Innritun nemenda

Skólanum ber að setja sér reglur um innritun nemenda sem byggðar skulu á ákvæðum grunnskólalaga um skóla án aðgreiningar þar sem allir nemendur eiga sama rétt til að innrita í skólann án tillits til líkamlegs eða andlegs atgervis.

5. gr.

Sérfræðiþjónusta

Skólinn á rétt á sömu sérfræðiþjónustu og almennir grunnskólar frá þjónustumiðstöð Reykjavíkurborgar í því hverfi sem skólinn er staðsettur.

6. gr.

Stuðningur við nemendur með sérþarfir

Skólinn getur sótt um fjármagn vegna sérstaks stuðnings fyrir nemendur með metnar sérþarfir, samkvæmt reglum SFS á hverjum tíma. SFS greiðir 45% af úthlutaðri fjárhæð vegna haustannar fyrir 1. nóvember og 55% vegna vorannar fyrir 1. apríl. Þarfnist nemandi með lögheimili utan Reykjavíkur sérstakrar aðstoðar eða aukins stuðnings semur skólinn sérstaklega um viðbótargreiðslur við viðkomandi sveitarfélag.

7. gr.

Nemendur með annað móðurmál en íslensku

Skólinn getur sótt um úthlutun fjármagns samkvæmt reglum SFS á hverjum tíma vegna kennslu í íslensku fyrir nemendur af erlendum uppruna sem eiga lögheimili í Reykjavík. Um kostnað vegna kennslu í íslensku fyrir nemendur af erlendum uppruna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.

8. gr.

Upplýsingar, mat og eftirlit

Skólinn skal lúta sama eftirliti með innra starfi og aðrir grunnskólar í Reykjavík. Þeir skulu framkvæma innra mat með því að meta með kerfisbundnum hætti árangur og gæði skólastarfsins með virkri þátttöku starfsmanna, nemenda og foreldra eftir því sem við á. Skólanum ber að birta á heimasíðu sinni upplýsingar um innra mat, tengsl þess við skólanámskrá og áætlanir um umbætur.

SFS framkvæmir ytra mat og ber skólanum að láta sviðinu í té allar upplýsingar sem nauðsynlegar eru til að framkvæma matið og til að sinna að öðru leyti eftirlitsskyldu sinni.

Við undirritun samnings þessa liggur skólanámskrá skólans fyrir. Skólastjóra er skylt að endurskoða skólanámskrána reglulega og leggja hana fyrir skóla- og frístundaráð til staðfestingar.

Starfsáætlun skólans fyrir komandi skólaár skal send skóla- og frístundaráði til staðfestingar fyrir 1. maí ár hvert.

9. gr.

Ársskýrsla

Skólinn skal skila ársskýrslu ásamt endurskoðuðum ársreikningi til SFS fyrir 1. maí ár hvert fyrir liðið fjárhagsár.

10. gr.

Fundur og námskeið fyrir skólastjórnendur

SFS skal upplýsa og bjóða stjórnendum skólans á reglubundna fundi sem yfirstjórn SFS heldur með skólastjórnendum í Reykjavík. Jafnframt skal bjóða stjórnendum skólans að sækja námskeið á vegum SFS gegn greiðslu kostnaðar.

11. gr.

Endurskoðun samnings

Ef upp koma breytingar í starfsumhverfi viðurkenndra grunnskóla sem reknir eru af öðrum en Reykjavíkurborg er samningsaðilum heimilt að óska eftir endurskoðun samningsins með tilliti til þeirra.

12. gr.

Framsal

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

13. gr.

Force Majeure

Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

14. gr.
Gildistími og uppsögn

Samningurinn tekur gildi 1. nóvember 2015. Samningurinn gildir til þriggja ára og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um að fjárveitingar SFS eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins.

Þjónustusamningur þessi er uppsegjanlegur af hálfu beggja aðila með eins árs fyrirvara.

15. gr.

Endurkrafa á ofgreiddu framlagi og vanefndir

Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til skólans við næstu greiðslu sem því nemur eða krefjast endurgreiðslu. Skólinn getur óskað eftir að endurgreiðslu verði skipt á þrjá mánuði.

Komi til vanefnda af hálfu annars hvors aðila samnings þessa er hinum aðilanum heimilt að grípa til viðeigandi vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.

16. gr.

Afturköllun viðurkenningar

Afturkalli mennta- og menningarmálaráðherra viðurkenningu skólans fellur samningur þessi úr gildi án uppsagnar.

17. gr.

Varnarþing


Komi til þess að mál verði höfðað vegna ágreinings um samning þennan skal það rekið fyrir héraðsdómi Reykjavíkur.

18. gr.


Undirritun

Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirvarsmenn/fulltrúar aðila nöfn sín hér undir í votta viðurvist.

Reykjavík, 20. október 2015



F.h. skóla - frístundasviðs og Reykjavíkurborgar



F.h. Reykjavík International School

Helgi Grímsson
sviðsstjóri skóla- og frístundasviðs

VOTTAR AA RÆTTIRI DALS OG LANDMARKTUN
Eignunin fjágr 240467 - 4619
Dalsgrunnskóli 110662 - 4245

Viðauki við þjónustusamning

1. gr.

Skóla- og frístundasvið Reykjavíkurborgar, kt. 530269-7609 og Reykjavík International School ses., kt. 610314-0900, gerðu þann 20. október 2015 með sér þjónustusamning um framlag vegna 17 nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík.

Aðilar framangreinds þjónustusamnings hafa ákveðið að gera eftirfarandi viðauka við samninginn:

2. gr.

Viðaukinn er byggður á samþykkt skóla- og frístundaráðs frá 14. desember 2016, sem staðfest var í borgarráði 22. desember 2016. Þar var samþykkt að heimilt væri að greiða framlag vegna 10 barna til viðbótar við þau 17 börn sem nú er heimilt að greiða framlag vegna samkvæmt 2. gr. framangreinds samnings. Því verður heimilt að greiða framlag vegna alls 27 barna, frá og með upphafi skólaársins 2017/2018.

3. gr.

Viðauki þessi telst vera hluti framangreinds samnings milli aðila frá 20. október 2015 og gilda sömu ákvæði um uppsögn og endurskoðun samningsins. Að því leyti sem ákvæði viðauka þessa og gildandi samnings kunna að teljast ósamrýmanleg gilda ákvæði viðaukans.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.




5. gr.

Viðauki þessi er gerður í tveimur samhljóða eintökum, sitt handa hvorum samningsaðila.

Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og tveimur stjórnarmönnum Reykjavík International School, f.h. skólans.

Reykjavík 31 mars 2017



F.h. skóla- og frístundasviðs Reykjavíkurborgar


Helgi Grímsson, sviðsstjóri



F.h. Reykjavík International School

Vottar að rétttri dagsetningu og undirritun:

Anna Guðars 041265-4419



220379-2729